

敬
义
堂
诗
集

第五、六卷

敬義堂詩集卷之五

庚戌集上

鶴山侯鼎芬薌田甫著

立春夜詠

庚戌

歲月侵尋劇可憐
香江春信入殘年
南來魚雁關情久
西顧家山屬意偏
永夜車輪流水動
漫空燈火列星懸
由來此地稱繁盛
便有塵囂到枕邊

影戲

不解傳聲解傳影
曾看聲影並傳之人情
物態疑真幻
縱不傳聲已絕奇

汾江過阮氏新莊

一徑緣溪薄暮行
微微春雨入風輕
竹林翠繞園初闢
桂樹香濃宅始成
知己莫辭杯酒醉
娛賓還愛管絃聲
夜闌畫閣高寒甚
臥向雲宵夢亦清

春日懷嚴星庶兄

迢迢烟雨穗城春
兩地相思意倍親
雁足遠貽成拱璧
鳳毛同慶得奇珍
詩才李杜垂清望
家法溫顏步後塵
前度登龍君切望
助自慚無力上河津

電機

無窮妙想信天才
汽力強於馬力推
一綫機行工走電
萬鈞輪轉訝奔雷
危途乍履心顏怯
巧藝徐觀眼界開

歎息歐西多制作富强還向此中來

香港起程赴北京

徑作長安客能無鄉國思
海船分島嶼人語雜華夷
非復雲霄夢聊爲汗漫資
壯懷嗟晚暮回首話心期

汕頭舟中

少日潮陽作遠遊江山名勝畫圖收
重來詎復留鴻雪
坐看西洋賈客樓

黑水洋卽景

誰信重洋外天然景足欣
淡紅斜日影濃墨軟波紋
蜃氣看全斂龍吟靜不聞
迎頭青島遠天宇曠無垠

游河北李傅相祠

時在天津

河北新營傅相祠憑誰健筆紀豐碑從來輿論分恩怨
獨有忠勤聖主知

雪榭風廊擅勝場更添河水入池塘我來剛值春歸去
飛絮迎人遍綠楊

津沽感詠

皇朝畿輔此稱雄環海商場百貨通守禦無資湏預計
由來失策在和戎

昔日殷繁到直沽一方名酒遍寰區自經兵燹傷零落

芍藥

豐臺佳植得來難
醇酒名花盡日歡
猶是玉環新醉起
好將銀燭晚妝看
容華絕世饒金粉
香艷薰人麗藻翰
自信帝京多雨露
不妨遲出殿春寒

容君招飲津門憶席間事爲五律二首寄謝

嶺嶠推袁久
津門御李頻
詞章成慧業
經濟有傳人
美酒河分潤
名花玉作鄰
臞然山澤老
猶得步芳塵
北海樽常滿
南州客倍親
使旌分楚越
杯酒釋風塵
雅會彈冠慶
清歌畫壁新
賢豪今輩出
康濟足經綸

贈證果上人

天涯游客得皈依回望風沙鳥倦飛
佛界清和逢首夏書堂閑寂滿斜暉
醒來大夢根塵盡悟到無生色相非
我欲憑師指迷妄鏡臺隨處燭幽微

旅寓感懷

細柳應殊葉慈烏亦變音相看八千里誰慰別離心

游農事試驗場恭題幽風堂

爲先朝游幸處在京城西直門外

昔年翠輦此登堂雲樹風花繞御香
玉珮近沾荷氣潤瓊筵遙接棗陰涼
關懷耕織宸謨著略少樓臺儉德彰
聽說開元舊時事茶園幾度立斜陽

京邸重五日

客裏光陰似逝波榴花亭院落英多蕭然艾酒端陽會
何似南中競渡過

王君以感懷六首屬和時值北游次韻答之

曾疊花箋自紀程長空北顧海濤生亦知風雨重洋險
惟愛燕雲萬里行塵世多情吾道重壯游垂老此身輕
遭逢到處皆朋好莫唱陽關送別聲

北來游興近如何風景津門領略多名酒河魚隨醕酎
家書塞雁任蹉跎綠楊垂影朝馳馬紅藥霏香夜聽歌
時亦尋花隄上去飛飛幽鳥滿喬柯

畿輔由來要壯觀繁華如此得應難絕塵歌管春常駐

流水車聲夜欲漫夾岸虹腰飛絮罷芳園馬足落花殘
獨憐城郭消沈盡向晚炊烟正暮餐

京華翹首遍風塵纔息征驂自在身夢裏鄉關常作客

樽前風月最宜人長安酒價高無限漫與

漫與興當作漫見杜詩注

詩篇淡愈真千古金臺仰遺迹非材敢自厭清貧

壯歲詞壇亦自豪光陰如水去滔滔龍門何日飛騰去
馬市頻年顧盼勞學愧河汾休獻策性耽風雅且揮毫
久無謝朓驚人句豹隱深山靜不嘯

滌盡煩惱咒大悲風幡不動貴堅持偶談證果心纔悟
微笑拈花樂自知聽澈鐘魚醒幻念緣深香火脫憂罹

蕭齋自愛參禪定
息影風沙有幾時

風雨

飄然風雨遍瑤臺
慚負鈞天此夜杯
欲聽霓裳廣寒曲
萬重雲水望蓬萊

雪爪

雪爪鴻泥豈偶然
渭城高唱入冰絃
雛鬟解勸樽前醉
誰識霜華到髻邊

贈某校書并序

校書以金閨名姝寄居京邑
妙態絕俗清歌
可人余遊都門偶爲顧曲之周
郎時聽彈箏

於趙女雖禪心比絮不逐東風而妾貌如花
有懷北海索草楹書重題箋素

浪游時值此身閒選勝徵歌疊往還燕桂香縈紅豆曲
驪珠光映紫雲顏情宣萬種吳音澀緣憶三生粵夢慳
同是懷歸同惜別琵琶還唱念家山

出都紀懷

西山環列拱神京佳氣葱蘢到眼明調鼎有人懷往哲
請纓無路愧書生郊原菽麥連雲起鐵軌塵沙冒暑行
兩月淹留渾未厭薊門烟樹倍關情

游勸業場

天津
河北

河畔新堤雨後橋芳塵不動馬蹏驕晚涼蘭麝花千樹
濃碧衣裙柳萬條無復刼灰愁興盡多時游宴總魂銷
年來勸業紆籌策可有涓埃答聖朝

出都留別馬君兼柬證果禪師

通州名勝區卓犖多偉人豈非邇帝都能使風俗純美

君此聚族藹然讓且仁森森蘭玉姿九葉如一身

君九世同

居善忍法足守遺安理可循但知有耕讀誰云軒冕珍

所以抱遺經絃歌見性真贈我楹閒書揮灑無俗塵頗
襲羲猷迹亦摹顏柳神過從兩月久晨夕相比隣蕭寺
一爲別道遠心更親我詩愧李白君情勝汪倫寄謝證

公意重游帝城春

七月朔再游李傅相祠

前游尙在宮牆外今日豐碑取次看
若把勲名較曾左廿年籌策惜公難

丞相祠堂此鉅觀馨香崇報萬人歡
園亭亦肖能容量客座茶香滿石欄

晚步陶然亭

別有陶然趣尋幽到野亭
遠山窺古堞高樹倚空庭
壁上詩誰健涼邊酒易醒
俗塵應暫息蘆葦暮烟青

茶園雜詠二首

淡妝濃抹寧殊俗妙舞清歌迥出塵一種傾城傾國意
梨園應占十分春

白絲辮帶碧羅襦花作容顏雪作膚不解從軍解歌曲
大名得似木蘭無

古君簡亭舉孝廉方正來京同寓南樓書此持贈
二首

鶴嶺多才君最賢賢良名達九重天朝頒鳳詔新恩重
科比鴻詞舊澤傳喜色貯看毛義檄壯懷應着祖生鞭
近知時務申韓重悉志研求却有年

西閣滄溟三萬里北游京國八千強雄文自挾風濤氣

偉業能扶日月光
時事艱難思借箸
秋深綿邈愛銜觴

相逢客邸涼宵永
醉話桑麻憶故鄉

君曾游美
洲秘魯國

雨後瀹茗

品茶最貴鄉園味

自舊句作

况閱京津路八千
涼雨新晴醒

午夢詩心清到綠槐邊

感事漫題

萬古淳風在其如
變幻何江湖知己遠
天地積陰多別
有清樽趣應無長
鋏歌遺榮思世外
塵海息風波

佳果四首

深州桃

未須艷說桃源好別有仙鄉景更幽誰植靈根冠諸果
可曾王母下深州

天津萍果

津門臨水占膏腴萍果秋來無處無半是胭脂半碧玉
好將名果比名姝

北京白梨

梨花春夢繞觚稜秋實今看萬顆登我愧熱中消未盡
酒酣勝嚼玉壺冰

農事塲杏

京華四月杏初肥纔騁游蹤趁曉暉色映鵝黃香噴麝

十千分得滿籃歸

秋日傅相祠書懷二首

遣懷連日到精廬
纔見林花意更舒
原野蕭條愁夢鹿
濠梁幽邃樂觀魚
涼侵夕照人初散
淡著秋容蝶亦疏
近擬南歸留未得
園丁慚我不能如

臨風垂柳思依依
此別游蹤到轉稀
草木多情更氣象
塵沙隨處騁征騑
高秋逸興凌雲健
落日雄心點雪微

世事蒼茫無限感
武侯祠廟惜芳菲

堂中聯額多
以武侯爲比

中秋日游河北諸園林四首

大
好
名
園
勸
業
場
千
紅
萬
紫
晚
花
香
重
樓
曲
徑
穿
林
出